

Leksyon

13

"ANG IMONG KALABUTAN NGADTO SA UBANG TAWO"



1. Unsaon nato pagtagad ang atong mga ginikanan?
 - Atong higugmaon, atong pasidunggan, ug magmasinugtanon kita kanila.
Mga Taga-Efeso 6:1, 3. Kamong nga anak kinahanglan managsugot kamo sa inyong mga ginikanan diha sa Ginoo, kay buhat kini nga matarung. Tumahod ka sa imong amahan ug inahan.
2. Unsaon nato pagtagad ang mga punoan sa atong kagamhanan sama sa mga sulugoon sa balaod, mga maghuhukom ug mga gobernador.
 - Magmasinugtanon kita kanila.
Mga Taga-Roma 13:1. Kinahanglan ang tanang tawo magpasakop nga masinug-

tanon sa mga puno-an sa kagamhanan. Kay walay laing pagbulot-an gawas sa gikan sa Dios, ug ang mga anaa karon nga tinukod sa Dios.

3. Unsaon mato pagtagad ang atong mga pangulo ingon sa atong pastor, ug magtutudlo sa Sunday School?

- Ato silang tahuron ug magmasinugtanon kita kanila.

Mga Hebreohanon 13:17. Kinahanglan magmasinugtanon kamo sa inyong mga pangulo ug magpasakop kamo kanila; kay sila nagatukaw alang sa inyong mga kalag, ingon nga mga tawo nga unya maghatag ug husay. Sugta ninyo sila aron kini ilang pagabuhaton uban sa kalipay, kay ang ingon dili man makahatag ug kayohan kaninyo.

4. Unsaon nato pagtagad ang ubang Cristo. hanon?

- Ato silang higugmaon sama sa paghigugma ni Cristo kanato.

Juan 13:34. Maingon nga ako nahigugma kaninyo, kinahanglan maghigugmaay usab kamo ang usa sa usa.

5. Unsaon nato pagtagad ang atong mga higala ug mga silingan.

- Ato silang tagdon sa paagi nga kita usab gustong matagad.

Lukas 6:31. Ug buhati ang tawo sa buot ninyo nga ilang pagabuhaton kaninyo.

Mga Taga-Roma 13:9. Higugmaa ang imong silingan ingon nga imong kaugalingon.

6. Unsaon nato pagtagad ang mga nakabuhat ug sayop kanato?

- Ato silang higugmaon ug ato silang pasayloon.

Mateo 5:44. Higugmaa ninyo ang inyong mga kaaway ug pag-ampo alang sa mga nagalutos kaninyo.

Mateo 6:15. Apan kon dili man kamo mopasaylo sa mga tawo sa ilang mga paglapas, ang inyong Amahan dili usab mopasaylo sa inyong mga paglapas.

7. Nagatudlo ba ang Bibliya kanato, kon unsaon pagtagad ang mga tawo nga wala pa makadangat sa kaluwasan?

- Oo. Kinahanglan atong ipakita kanila nga sa atong adlaw adlaw nga pagkinabuhi, si Cristo nagapuyo sa sulod nato.

Mateo 5:16. Pasigaa ninyo ang inyong kahayag sa atubangan sa mga tawo aron makita nila ang inyong mga maayong buhat ug dayegon nila ang inyong Amahan nga anaa sa langit.

8. Unsa ang labing daku sa mga Cristohanong hiyas?

- Ang gugma maoy labing daku sa mga Cristohanong hiyas. Pinaagi niini imong maila ang pagka-espirituhanon sa usa ka maglotoo.

I Corinto 13:13. Ug karon magapabilin kining tutulo: ang pagtoo, ang paglaum, ug ang gugma, apan ang labing daku niini mao ang gugma.

9. Kinsa ang higugmaon sa nga Cristohanon?

- Higugmaon sa mga Cristohanon ang Dios, si Cristo, ang tanang mga Cristohanon, ug ang tanang tawo nga wala pa makadawat sa kaluwasan, bisan pa ang ilang mga kaaway.

Mateo 22:37. Ug si Jesus miingon kanila, "Higugmaa ang Ginoo nga imong Dios sa tibook mong kalag, ug sa tibook mong salabutan.

Juan 13:34. Ako nagahatag kaninyog bag-ong sugo, nga kinahanglan maghigugmaay kamo ang usa sa usa, maingon nga ako nahigugma kaninyo, kinahanglan maghigugmaay usab kamo ang usa sa usa.

ANG IMONG PAGABUHATON

1. Basaha ang Mateo 5:13, 16.
2. Ang imong tinagdan sa mga tawo mahimong maoy hinungdan sa ilang pagdawat o pagsalikway ba hinoon sa maayong balita. Tun-i pag-usab kining leksyon, ug susiha ang imong kaugalingong pagkinabuhi. Makapa-aghat ba kini sa mga tawo sa pagpangayo sa maong gahum nga nakapabag-o sa iyang kaugalingong kinabuhi gawas sa tabang sa Dios adlaw-adlaw. Pamalandonga ang matag punto nga imong gibasa.
3. Magaampo ka alang sa maong mga higala nga naglisud sa pagkinabuhi sumala sa imong nasayran.
4. Kon masag-ulo na nimo pag-ayo ang mga sag-ulchon, tubaga ang mga pangutana sa Talaan sa Timun-an alang sa ikana-pulong-tulong leksyon.